

Broj: 05-02-2-105/2022  
Sarajevo, 03.03.2022. godine

Bosna i Hercegovina  
Federacija Bosne i Hercegovine  
**PARLAMENT FEDERACIJE  
SARAJEVO**

**PARLAMENT FEDERACIJE BOSNE HERCEGOVINE  
DOM NARODA**

- n/r mr. sci. Izmir Hadžiavdić, sekretar Doma naroda
- n/r Vesna Saradžić, delegatkinja u Domu naroda

ul. Hamdije Kreševljakovića 3,  
**Sarajevo**

Primljeno:	04-03-2022		
Org. jed.	Broj	Priloga	Vrijednost
05/2	- 02 -	59	/22

**VLADA FEDERACIJE BOSNE I HERCEGOVINE**

- n/r mr.sc. Edita Kalajdžić, sekretar Vlade FBiH – na znanje  
ul. Hamdije Čemerlića 2,  
**Sarajevo**

**PREDMET:** Delegatsko pitanje delegatkinje Vesne Saradžić u Domu naroda  
Parlamenta Federacije Bosne i Hercegovine, odgovor dostavlja,-

**VEZA:** Akt sekretara Doma naroda Parlamenta Federacije Bosne i Hercegovine broj:  
05/2-02-59/22 od 21.02.2022. godine

Poštovana/i,

Vašim aktom, broj: 05/2-02-59/22 od 21.02.2022. godine i aktom sekretara Vlade Federacije Bosne i Hercegovine broj: 03-04-249-4/22 od 24.02.2022. godine, je delegatsko pitanje, koje je za Federalnu upravu civilne zaštite, postavila delegatkinja Vesna Saradžić u Domu naroda Parlamenta Federacije Bosne i Hercegovine na 17. sjednici Doma naroda Parlamenta Federacije Bosne i Hercegovine, održanoj 17.02.2022. godine.

Navedeno delegatsko pitanje, odnosi se na izradu Elaborata o nabavci letjelica i osiguranju sredstava u Budžetu Federacije Bosne i Hercegovine za kupovinu letjelica (Air traktora i helikoptera).

S tim u vezi, dostavljamo odgovor kako slijedi:

Federalna uprava civilne zaštite u skladu sa svojim nadležnostima, provodi niz aktivnosti s ciljem predupređenja pojava požara na području Federacije Bosne i Hercegovine, a naročito prije nastupajuće požarne sezone, a naročito:

- upućivanje preporuka i upozorenja nadležnim organima kantona, općina/grada za poduzimanje preventivnih mjera zaštite od požara na područjima kantona, općina i grada,
- postupanje po zahtjevima za pomoć nadležnih civilnih organa kantona, općina/grada u Federaciji Bosne i Hercegovine u uslovima kada raspoloživim snagama i sredstvima nisu u mogućnosti ugasiti velike požare na otvorenim prostorima, te im je potrebna pomoć Oružanih snaga Bosne i Hercegovine i druga pitanja.

S tim u vezi, Federalna uprava civilne zaštite, koordinira aktivnostima sa nadležnim organima u Bosni i Hercegovini, odnosno Ministarstvom odbrane Bosne i Hercegovine i Ministarstvom sigurnosti Bosne i Hercegovine u aktivnostima pružanja vojne pomoći civilnim organima u reagiranju na prirodne i druge katastrofe i nesreće, angažiranjem pripadnika i resursa Oružanih snaga Bosne i Hercegovine u skladu sa zadatkom Oružanih snaga utvrđenim Zakonom o odbrani Bosne i Hercegovine ("Službeni glasnik BiH", broj 88/05) i Pravilnikom o pružanju vojne pomoći civilnim organima u reagiranju na prirodne i druge katastrofe i nesreće ("Službeni glasnik BiH", broj 34/18).

Nadalje, kad je u pitanju izrada Elaborata o nabavci letjelica i osiguranje sredstava u Budžetu Federacije Bosne i Hercegovine za kupovinu letjelica (Air traktora i helikoptera) dostavljamo odgovor, kako slijedi:

Vlada Federacije Bosne i Hercegovine je na prijedlog Federalne uprave civilne zaštite na 284. sjednici održanoj 7.10.2021. godine usvojila „Informaciju o potrebi nabavke letjelica za zaštitu i spašavanje ljudi i materijalnih dobara u Federaciji Bosne i Hercegovine“ i donijela Zaključak V. broj: 1547/2021.

Nakon toga, a na osnovu tačke 2. navedenog Zaključka, Vlada Federacije Bosne i Hercegovine, na prijedlog Federalne uprave civilne zaštite, donjela je Rješenje o imenovanju Radne grupe („Službene novine Federacije BiH, br. 88/21, 101/21 i 7/22), kojim je utvrđen zadatak za izradu „Elaborat o nabavci letjelica za zaštitu i spašavanje, neophodnim uslovima za logističku podršku, organizaciju, finansiranje i druga pitanja od značaja za uspostavljanje, funkcionisanje i upotrebu zračnih snaga za gašenje požara i druge zadatke zaštite i spašavanja“ (u daljnjem tekstu: Elaborat o nabavci letjelica).

Imenovana Radna grupa, intezivno radi na realizaciji zadatka i ima rok do 15.03.2022. godine da izradi Elaborat o nabavci letjelica u kojem će Vladi Federacije Bosne i Hercegovine predložiti konačno opredjeljenje za nabavku potrebnih letjelica (Air traktora i helikoptera), kao i neophodnim uslovima za logističku podršku, organizaciju, finansiranje i druga pitanja od značaja za uspostavljanje, funkcionisanje i upotrebu zračnih snaga za gašenje požara i druge zadatke zaštite i spašavanja na području Federacije Bosne i Hercegovine.

Nakon što bude izrađen Elaborat o nabavci letjelica, te razmotren i prihvaćen na jednoj od narednih sjednica Vlade Federacije Bosne i Hercegovine, time će se stvoriti uslovi da Federalna uprava civilne zaštite i Federalno ministarstvo finansija - Federalno ministarstvo financija, Vladi Federacije Bosne i Hercegovine predlože način realizacije prve faze nabavke letjelica, a na osnovu prihvaćenog Elaborata o nabavci letjelica.

Ovom prilikom ističemo da je, na 305. tematskoj sjednici Vlade Federacije Bosne i Hercegovine održanoj 28.2.2022. godine, utvrđen i u parlamentarnu proceduru upućen Prijedlog Budžeta Federacije Bosne i Hercegovine za 2022. godinu, gdje su u prijedlogu sredstva u iznosu od 30.000.000 KM za nabavku letjelica (Air Traktora i helikoptera).

Usvajanjem Budžeta Federacije Bosne i Hercegovine za 2022. godinu, od strane oba doma Predstavničkog doma i Doma naroda Parlamenta Federacije Bosne i Hercegovine, osiguravaju se finansijska sredstva u iznosu od 30.000.000 KM za nabavku letjelica za zaštitu i spašavanje i gašenje požara.

Nabavka letjelica (aviona Air Tractor i helikoptera) poslužit će Vladi Federacije Bosne i Hercegovine, odnosno Federalnoj upravi civilne zaštite da poveća svoje kapacitete za smanjenje rizika od katastrofa, te podizanje ukupne spremnosti sistema zaštite i spašavanja u Federaciji Bosne i Hercegovine na odgovoru za nadolazeće izazove/opasnosti, uspostavljanjem zračnih snaga za zaštitu i spašavanje, gašenje požara i druge zadatke zaštite i spašavanja.